

Na osnovu člana 10. Odluke o značajnim datumima, događajima i ličnostima od značaja za Grad Bihać kao i način njihovog obilježavanja („Službeni glasnik Grada Bihaća“, broj: 2/18) i člana 35. tačka kk) Statuta Grada Bihaća („Službeni glasnik Grada Bihaća“, broj: 13/15, 13/18 i 12/22), Gradsko vijeće Grada Bihaća na sjednici održanoj dana 2023. godine, donijelo je:

## O D L U K U

### o raspodjeli sredstava za sufinansiranje manifestacija od značaja za Grad Bihać, s Tekućeg granta Sufinansiranje manifestacija od značaja za grad, koji je utvrđen u Budžetu Grada Bihaća za 2023. Godinu

#### Član 1.

Usvaja se Odluka o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać utvrđenih u Budžetu Grada Bihaća za 2023. godinu, ekonomski kod 614311 – organizacioni kod 01/7001000, kako slijedi:

<b>Sufinansiranje manifestacija čiji nosilac su javne ustanove</b>			
R.br.	Manifestacija	Nosilac manifestacije	Iznos u KM
1.	Manifestacija -festival „Bihaćko ljeto“ i „Ulicom bišća“	JU Kulturni centar Bihać	15.000,00
2.	Manifestacija „Winter park“	JU Kulturni centar Bihać i Turistička zajednica Grada Bihaća	15.000,00
3.	Manifestacija obilježavanja Dana Grada Bihaća - 26. februar	JU Kulturni centar Bihać JU Gradska galerija Bihać Gradski sportski savez	5.000,00
4.	Una regata - skokovi sa Gradskog mosta	Gradski sportski savez Bihać JP Nacionalni park „Una“	5.000,00
5.	Manifestacija -festival „Jesen na Gelenderima“	JU Kulturni centar Bihać Turistička zajednica Grada Bihaća	5.000,00
6.	Obilježavanje vjerskih praznika	JU Kulturni centar Bihać	5.000,00
<b>Ukupno</b>			<b>50.000,00</b>
<b>Sufinansiranje manifestacija čiji nosilac su druge organizacije</b>			
R.br.	Manifestacija	Nosilac manifestacije	Iznos u KM
7.	Film festival „Avant&Una“	Udruženje „Bosnaland“	5.000,00
8.	Manifestacija „Sevdah fest“	Udruženje „Dado music“	5.000,00
9.	Memorijal „Alija Izetbegović“	Konjički klub „Jedinstvo“	5.000,00
10.	Sajam EKOBIS	Privredna komora USK	5.000,00
<b>Ukupno</b>			<b>20.000,00</b>
<b>SVE UKUPNO</b>			<b>70.000,00</b>

#### Član 2.

Nosioci obilježavanja manifestacija od značaja za Grad Bihać, dužni su uz zahtjev za doznačavanje finansijskih sredstava iz Budžeta Grada, dostaviti Program za obilježavanje manifestacija s finansijskom konstrukcijom troškova manifestacije.

### **Član 3.**

Nosiocu realizacije manifestacija od značaja za Grad Bihać izvršit će se doznačavanje finansijskih sredstava na osnovu podnijetog zahtjeva sa Programom, a u skladu s članom 1. ove Odluke. Ukoliko neka od manifestacija ne bude održana iz bilo kojeg razloga, ista se neće sufinansirati.

### **Član 4.**

Isplata iz člana 1. ove Odluke teretit će sredstva u razdjelu 01/7001000 – Služba za opću upravu i društvene djelatnosti, Budžeta Grada Bihaća za 2023.godinu, ekonomski kod 614311 TG neprofitnim organizacijama – TG za Sufinansiranje manifestacija od značaja za Grad Bihać.

### **Član 5.**

Postupak raspodjele sredstava za Sufinansiranje manifestacija od značaja za Grad Bihać vršit će Služba za opću upravu i društvene djelatnosti i Služba za finansije, privredu i poljoprivredu, na osnovu zaključka Gradonačelnika kojim se utvrđuje visina odobrenih finansijskih sredstava.

### **Član 6.**

Zadužuju se korisnici sredstava iz člana 1. navedene Odluke, da Službi za opću upravu i društvene djelatnosti Grada Bihaća dostave Izvještaj o utrošku doznačenih sredstava.

### **Član 7.**

Ova Odluka stupa na snagu osmog dana od dana objavljivanja u „Službenom glasniku Grada Bihaća.“

Gradsko vijeće  
Broj:  
Bihać,

Predsjedavajući Gradskog vijeća  
Zulfikar Handukić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO - SANSKI KANTON**  
**GRAD BIHAĆ**  
**GRADONAČELNIK**  
Služba za opću upravu i društvene djelatnosti

Broj: 07/2-11-108  
Bihać, 11.01.2023. godine

GRADSKO VIJEĆE GRADA BIHAĆA  
-ovdje-

**PREDMET:** Prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać utvrđenih u Budžetu Grada Bihaća za 2023. godinu.

U skladu sa odredbama člana 35. stav 1.tačka kk) Statuta Grada Bihaća („Službeni glasnik Grada Bihaća“ broj: 13/15,13/18 i 12/22), a u vezi sa članom 140. Poslovnika Gradskog vijeća Bihać („Službeni glasnik Grada Bihaća“ broj 3/16), te Odluke o izvršenju Budžeta Grada Bihaća za 2023. godinu („Službeni glasnik Grada Bihaća“ broj 15/22) u prilogu vam dostavljamo prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać

**OBRAZLOŽENJE**

Pravni osnov za donošenje predložene Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać utvrđenih u Budžetu Grada Bihaća za 2023. sadržan je u članu 35. stav 1. tačka kk) Statuta Grada Bihaća („Službeni glasnik Grada Bihaća“ broj: 13/15, 13/18 i 12/22), Gradsko vijeće u okviru samoupravnog djelokruga donosi pojedinačne i druge akte u skladu sa zakonom i statutom, kao i Odluci o izvršenju Budžeta Grada Bihaća za 2023. godinu („Službeni glasnik Grada Bihaća“ broj 15/22).

Za realizaciju predložene Odluke o raspodjeli sredstava za sufinansiranje manifestacija od značaja za Grad Bihać, osigurana su finansijska sredstva u Budžetu Grada Bihaća, na ekonomskom kodu 614311 - Tekući grant za kulturu - Sufinansiranje manifestacija od značaja za Grad Bihać, u iznosu od 70.000,00 KM.

Na osnovu iznesenog, predlaže se Gradskom vijeću Grada Bihaća da usvoji predloženu Odluku o raspodjeli sredstava za sufinansiranje manifestacija od značaja za Grad Bihać - Tekući grant za Sufinanciranje manifestacija od značaja za Grad Bihać.

Dostavljeno:  
1. naslovu  
2. evidenciji  
3. a/a

Vršilac dužnosti Gradonačelnik  
Jasmina Ćoralić

**BOSNA I HERCEGOVINA  
FEDERACIJA BOSNE I HERCEGOVINE  
UNSKO - SANSKI KANTON  
GRAD BIHAĆ  
GRADONAČELNIK**

Broj:07/2-11-108  
Bihać, 11.01.2023. godine

Na osnovu člana 140. Poslovnika o radu Gradskog vijeća ("Sl. glasnik Grada Bihaća", broj 03/16), a u vezi sa članom 52. stav 1. tačka b Statuta Grada Bihaća ("Službeni glasnik Grada Bihaća" broj 13/15, 13/18 i 12/22) vršilac dužnosti gradonačelnika u svojstvu predlagača odluka i drugih akata

**ODREĐUJE**  
za izvjestioce

na sjednici Gradskog vijeća i radnim tijelima Gradskog vijeća:

1. Dario Jurić - šef Odsjeka za društvene djelatnosti u Službi za opću upravu i društvene djelatnosti

a prema prijedlogu tačke dnevnog reda:

- Prijedlog Odluke o raspodjeli sredstava za sufinansiranje manifestacija od značaja za Grad Bihać, s Tekućeg granta za sufinansiranje manifestacija od značaja za Grad Bihać utvrđenih u Budžetu Grada Bihaća za 2023. godinu.

Vršilac dužnosti gradonačelnika  
Jasmina Čoralić